

谷音二卷

四部叢刊初編集部

上海商務印書館
縮印舊鈔本

谷音名目

王澹六首

程自脩七首



冉琇六首

元吉五首

孟鯁四首

安如山二首

王翥五首

師嚴六首

張琰五首

汪涯三首

詹本三首

皇甫明子三首

丁開四首

鮑輓七首

崔瑒三首

魚潛五首

柯芝三首

柯茂讓二首

邵定二首

熊興蘇二首

晏乂二首

孫璉二首

楊應登二首

楊震五首

曾童子澈一首

番禺布衣一首

瀟湘漁父一首

古碑文一首

閔清野人一首

羅浮狂客一首

谷音名目終

谷音名目

王澹六首

程自脩七首



冉琇六首

元吉五首

孟鯁四首

安如山二首

王翥五首

師嚴六首

張琰五首

汪涯三首

詹本三首

皇甫明子三首

丁開四首

鮑觀七首

崔璆三首

魚潛五首

柯芝三首

柯茂讓二首

邵定二首

熊興蘇二首

晏乂二首

孫璉二首

楊應登二首

楊震五首

曾童子澈一首

番易布衣一首

蒲湘漁父一首

古碑文一首

閔清野人一首

羅浮狂客一首

谷音名目終

谷音上

遠東王澹玄佐



澹博學醇行博州刺史迎為師教授弟子百餘
真祐中就拜宣撫遼東宰相累書請澹之鎮澹
不應浮海遊去

河之坊

河之坊矣哉、其平豈曰不力言持其盈國既覆矣視
爾膏、云胡昊天不終惠我生云胡昊天疾威堂、輟
轉說日四國卒荒偃仰在位不知匪臧不顧其行有粟
有粟亦集于岳則不敢饘抑餬余口諱曰哲矣孰秉其
咎知我擾、不知我疚涉彼南山石其偏矣戒爾勿傷
足其跣矣啗、啗、顏之覲矣倚余何言涕之泣矣民
之種、具曰贅疣弗于爾躬曷云能瘳焉哉夫子保爾
有位慎爾為猶

感遇

迅景走北陸高木交朔風象情悅茲治豈云惠其終萬
事無不有流轉大化中古來論成敗吐、魚為龍牛車
竄下國勢異情則同蒲姚本狙擊桓、湯武功彼美二
三子一笑清酤空
兩虎闢中野利乃歸衡虞血肉相蹂躪鼓吹行通衢獨
倚剗臂力箕踞傾百壺未必非禍福凡百持爾軀吾聞
虎畏罷吹竹不枝梧

光風蕩繁囿丹綠綴柔柯游子去萬里空闌欵翠蛾行
雲落江水酒盡不成歌難飛與狗走妾命獨奈何
槁梧蒙絃冕崢嶸化侯王餐餌先百牢蘭烟浮玉房兒
女何所見拜跪色甚莊四海正聲聲威靈爾翕張哀哉
杞梓材棄捐官道傍

贈段十

相識風塵下斯文伯仲間騎驢逢聖日捫蝨對秋山忠
信偏成拙支離最得閑秦川貴公子早計造荆蠻

洛陽程自脩忘吾七首

自修性孝友讀書城東門翰林元祐之上其言
行除禮部郎中自修聞之弃家南去

歸龍門

來往空書札行藏但布衣直為知己用可惜轉頭非歲
月百憂集江山一笑歸彌生狂到死君子要知機

出城

東帶供人事扶藜強病身誅求非上意盜賊本良民濕
翠山嵐雨輕黃柳帶春小兒隨白首行坐各霑中

獨坐

終南在吾目秋色遠接應誰招天外翠來作牕中靚娟
娟初畫眉盈、獨臨鏡雲去物象空月出心源印我欲
往從之有客誇捷徑洗耳復洗耳松風入清聽

痛哭

日射石乳鱗甲開草色又換青春回精靈聚散豈拘束
山鬼叫呼松柏哀當時涕天蕭鼓動今日悲風陵上來
歟、今古成傳舍人生有情淚如把乾坤誤落腐儒手
但遣空言當汗馬西晉風流絕可愁恨望千秋共瀟灑

歲云暮矣

歲云暮矣百工休獨持千古供索遊丈夫礪落如天日
促、胡為升斗謀望塵下拜乃東市山中茹芝可白頭
嗚呼此道棄如土眼中歷、聖賢靈鄉里小兒訖那歌
前輩先生八風舞欲挽東流無萬牛抱膝長吟聽更雨

送元吉歸河東

獨憐風格困塵埃敢料天涯共酒盃花鳥偏於前輩好
江山更有後人哀顏回盜跖終歸命諸葛曹王豈論才
正自別離愁未透更教柳色帶青來

王猛墓

男兒有才須有識死墓更真可惜君不見渴虎不飲
盜泉水始吾虞君今已矣

瑯琊再瑤溫季六首

瑤好縱橫談業漁獵世為李氏客難且作瑤累
書止之不聽乃南走渡江聞璫滅東鄉三哭伏
劍

蓬萊閣

倚闌吟不就看劍老相催鳥逐孤雲沒帆從別國回魯

連惟有死王繫不勝哀為問依、柳秋殺何處來

過臺

游目過臺上煙色秋曉暎當時駐文與君臣良宴會歌
鍾正喧、華纓接飛蓋行樂遽未央已見顏色改與鳩
焉可知齊景尚何在世運如日月朝夕還相代

海州

波濤起天末舟楫滿城隅管晏非王佐田韓有霸圖何
門堪吸履吾道欲乘桴倚杖春風近含愁向綠蕪

宿京口

推蓬在京口山色對秋眠搔首半脫落懷人孤月懸形
骸成獨往風物共流年隨處逃名姓鳥啼又發船

秦吉了

有鳥秦吉了鳴鼓一何悲自言承主恩十載供提攜離
籠閉羽翼繫之雙華綫一朝不終惠零落投荒吏自傷
去漢土豈不懷南枝誠堪利主家生死不敢辭努力萬
里風寄此長相思

獨立

獨立春將晚周游道正窮江山千古後形影百年中士
論元無的人生各有終臨危負知己淚落海雲東

河東元吉文中五首

古太原大俠人也報仇市上吏來捕更殺吏走
太行谷中會以敵歸乃絕嘗與游者三年通左

氏史記家益貧至元甲子從戎開平道卒

上黨

怒山出老掌拳寒色頑巖巖城根掉沙水斗絕虎相視
惜憶昔宣武兵最強合圍步驟如摧訇即知一叱立破
散進通亞子口尚黃鳴呼皇天肯悔禍豈有盜賊稱天
王要留千古論曲直故壘依稀榆葉赤

自蒟蘆河至居庸關

男兒不成名命也負羈絏投袂出門去浩蕩破邊色飛
沙白盪胞落葉黃沒膝微陽割層嶺山骨紫格、扶眼
已崢嶸置身何突兀健鷗勢欲落老馬智亦屈氣岸勇
枝梧脉絡大包括物候秋冬交土風夾夏隔懷歸畏簡
書欲往投鬼域無言答酸楚有血洒寥闌古來喪亂中
天地坐踞蹠形骸盡則已烈士要馬革

陪翟三游平州東城

老境逢春色平州聚德星不堪歌教勒并欲案丁零雪
泥殘年白山呈太古青殊方更分手暮角若為聽

早發博州

落、空城在蕭、獨客歸古今殊未了心迹每相違魏
國山河羨唐家節度非偷生慚宿鳥霜月上征衣

夜坐

森、夜氣落寒欄閑把離騷酒正酣忽憶梅花不成語
夢中風雪在江南

曲阜孟鯁介甫四首

鯁沈毅雄略中統癸亥山東兵欲起鯁計事
甲者三至鯁不肯遂被害

徐州

徐州壓城霜木緒可能回首風塵下當年縞素從西來
仰天伏地聲嗚咽君臣大義日月白牧野鳴條其亞帝
王氣象佳蔥、舉止却類田舍翁美人璦王是冀土四
海正在水火中如龍如虎尚蹉跎况乃監子貪天功

南京

惜、坊陌傍深春活、河流兩過渾花鳥幾時克貢賦
牛羊今日上丘原猶傳柳七工詞翰不見朱三有子孫
我亦前生梁楚士獨持心事過夷門

猛虎

猛虎被束縛皮肉不相保人生到錯迷天地亦草、古
來割據何代無可憐百萬殉匹夫漁陽突騎如風火青
州城門缺作樞丈夫好在鐵時務座上赤龍公莫舞沙
海荒、魂不歸莫說青州淚如雨

折花怨

勿、杯酒又天涯晴日牆東叫賣花可惜全生不全死
却隨春色去誰家

廣漢安如山汝止二首

如山善擊劍左右射讀經史百氏之書端平甲

午安撫曹友聞辟掌書記不起友聞戰死三泉
如山往收其骨藏諸其先之側乃東下老子會
稽

曹將軍

將軍精悍姿齒、碎鉄石在昔童稚中但聞飽經術縱
橫驍柔翰丹腹間金碧有司塞明詔數邑屈詞伯芹香
春水生冠玉侍重席晚略章句陋搜抉窮理窟未及文
化成其如王土宰丈夫報主願豈必蒙清秩蒼然請去
位滿面秋栗烈糾合熊虎群旌旆揚廣陌正當摩厲間
一鼓拔勦敵屯兵汚水源千里斧截、浩蕩排煙旻西
極安嶠岬奈何國無人腐儒秉旄鉞賞予入私門金湯
授盜賊公時奮臂爭反連獻玉則三軍視馬首慟哭下
下天壁功成坐齟齬憤怒鬚掉戟中宵拔劍起肅、整
勁翮吐氣風雲生寡旗陷堅列貫穿死生地喋血天地
黑勢雖衆寡懸形未雌雄決路窮斷首尾衆盡仍手格
豈知龍虎逝黯淡山川色百萬尚震驚嗚呼死諸葛長
城但自壞千古痛綢繆結肉食無遠謀野史有直筆酒酣
歌節士晶、霜月白

下瞿唐

去、如奔馬來、無盡船人心似江水日夜向吳天

成都王蕭一飛五首

蕭篤學尚氣吳曦謀反來請蕭、陽風病瘡潛

往安丙謀誅曦事定匡已中為農終身

送張判官歸巴州

回首三巴曲平生萬里橋衣冠無賴客花月可憐宵

灌口秋漲

所向愁無地窮源欲上天蛟龍胡爾怒鷗鷺更誰憐萬
里朝宗意群兇跋扈年生涯秋色裡獨立問漁船

吳宣撫故宅

社稷疲奔命乾坤服至誠扶持三蜀在出入兩朝榮豚
犬有遺恨麒麟空復情家散隕已盡國法用猶輕成季
翻無後花卿浪得名門庭黃鳥語几杖綠苔生威福何
偏重精神恐不平庶幾蒙世美凡百慎持盈

憶舍弟

藥物吾仍病花時汝未歸不眠愁月落獨立看雲飛詩
禮自持律飢寒誰解困遙知理舟楫西望泮霑衣

浮世

浮世惟高枕平生有弊裘江花中酒日已兩落帆秋老
矣英雄事憑我盜賊謀啼猿 自在一笑下滄洲

襄陽師嚴道立

嚴讀書識大義善禦射自園中拔身走行在所
上書論事不報拂衣去客死武陵

渡江

鹿門山人滄浪客酒淚已枯眼見骨風塵崢嶸萬里空

不知何處營三窟城中性命湯火近路窮援斷無消息
鼠竊狗偷何足憂都將十指護天日大言瀾步好公卿
三百年餘涵養成已聞鄭五但搔首復近甌消豎子名
平時肉食誇果決誰信臨危跋賣行白頭面皺牙齒落
萬事已矣秋風生

大閱

長江天設險荊州國門西幕前杖斧鉞赫：齊晉尊熊
羆在掌握百万下敢喧圍列屋備立動色虹蜺翻雖云
口口口亦是明主恩高秋鼓角壯慘澹傷精魂山南正
困危血肉連川原由來多壘屏豈不在大藩既同事王
室於義如弟勗哉後簡書郵郵古所敦

蘭五見訪

漢陰美人青兕裘獨騎瘦馬尋荒丘花前下馬迎一笑
珠玉在側形骸羞酒酣散髮箕踞坐錦帶爛熳懸吳鉤
斷蛟刺虎好身手碧瞳如水涵清秋惜哉科目太晚略
壯士豈為章句囚中原格調固不已江波木落寒悠悠：

庚午三月五日朱尚書席上醉歌

天風浩蕩何處來荆南府中好春酒我公此日盛賓佐
但飲毋勞問升斗座中十萬無下節烏帽朱衣馬牛走
妙舞清歌如有神翠欄金明各回首人生行樂須壯年
小人再拜為主壽滿堂波落起挽鬚臨饋三難成鬱紆
干戈未定郡國破亂臣賊子何代無主憂臣辱坐感激

思對花鳥調歌娛近聞士卒願一戰猛氣正倚風塵麓
丈夫行事動千古快意一飽非雄圖

武陵客居

浩蕩十年調鐵寒八尺身不慈達題題可笑繫麒麟殘
雪江村路空山澗水春時危終遠去道在豈全貧

公安早發

去國秦公子窮途阮步兵別離如昨日豪俠吳平生江
月為誰好已船何處行高秋伴搖落早發若為情

廣陵張琰汝玉

琰身七尺長鬣個儻有節榮補州牙兵隨制置
李庭芝潰圍南赴行在所追者及之麾下為狀

散琰獨聞死

出塞曲

腰間揮雄劍中夜龍虎吼平明登前途萬里不回首男
兒當野死豈為印如斗忠誠表壯節燦爛千古後朝發
山陽去暮宿清水頭上馬左右射捷下如獼猴先發服
勇決手提血襦腰兵家互勝負凡百慎前籌驅馬飲淮
水千里黃草平種穀却流血痛哭秋風生塞妻出租稅
孤兒荷戈行武成既不足顧見和親成軍中日奏凱鼓
行連海東當守怡玉色千金勞成功焉知昨日地組甲
去如空邊人不敢語將軍益褒崇

官柳

不見橋東黃布帘
樹猶如此我何堪
長亭一武無賴
又將春色誤江南

漢陽江灘萬頃 三首

灘家貧事母孝
宣撫賈似道請為客
當作露布
獻捷灘曠目曰
嗚人以利而退其師
又見美主
上似道大怒
擬殺之其母曰
汝以直死我則不
辱可以下報先君矣亦自沈

江帆

江帆去、可勝斷千古
萬古越王臺
掃空黃葉晚風定
飛盡碧天晴
鳥回半生無成坐
筆硯萬事不理問
樽罍
年、看梅今白首已矣
英雄留七哀

采石獨酌

欲落不落月在手
百年幾何持釣綸
不知春色萬象表
綠煙漠、入江
蒼天翻地覆有今夕
酒熟詩溫無可人
向來談笑成黃土
墮淚未了難司晨

江行

江陵白魚如斫玉
挂席獨去風日寒
封題而竟寄白髮
兒涯不是作魚官

秋光蕩漾滿行色
鄰舟吹笛不堪聞
洞庭濯足一樽酒
夫君不來空白雲

谷音下

建安詹本道生 三首

本溫言正行丞相江
萬里薦為郎
先致書本、
方坐門前石上釣
使者至問本居本曰
前即持竿渡溪去
不知所終

春日携客游武夷

山脚健枝梧百里
揮蒼峭巖、石可把
曙色坐遠釣風
水真筌等歷落太古
調衣冠帶莽蒼
山鬼驚二妙雲月
正忘年花鳥更索笑
迴船翠凌亂吾道付長嘯

閑中

萬事問不知山中一樽酒
掃石坐松風
綠陰滿中袖

宿天台

風泉隔西屋
獨夜寒自生
開窓失山色
白雲壓前楹
累盡得滿洒
去住俱不驚
鼻息答僧鐘
霜露入殘更

四明皇甫明子東生 三首

明子性豪宕
乘小舟挂布帆
載琴尊書籍釣具
往來江湖至元丙子
發狂痛哭蹈海

水國

水國淒涼住
秋宵爛熳眠
歸雲猶帶雨
墮月忽明船
社稷資長筭
髭鬚近暮年
亂離栖不定
百口托浮田

海口

窮島迷孤青
颶風盪頑寒
不知是海口
萬里空波瀾
蛟

龍峙幽沈怒氣雄屈蟠崢嶸扶秋陰挂落潮如山熒惑
表南紀天去何時還雲旗光慘澹腰下青琅玕誰能居
甬東一死諒非難嗚呼朝宗意會見桑土乾

京口行

京口兵可用酒可飲一語參差族成血忠賊相持各凜
凜豈知好醜隔形骸父為孔竄子為鳩人衆天定理則
耶遺臭流芳且高枕

長沙丁開復見四首

開負氣敢言安撫向士壁被問開獨詣關上疏

具陳士壁功大軍府小費不宜推究書奏羈管

揚州歲餘卒

可惜

日者今何及天乎有不平功高人共嫉事定我當烹父
老俱嗚咽天王本聖明不憚惟黨禍携淚向孤城

漂泊岳陽遇張中行因汎舟洞庭晚宿君山

聯句

元氣無根株丁地脉有斷絕張日月互吞吐丁雲霧自

生滅張楚妃結幽想丁已客答青映張寧知蒼莽中不

假巨釐力勢閱南紀浮丁思隨西風發形影寄孤舟張

吾適成缺舌笑談正凌傲丁俯仰不偏側每與景物會

張未省歡娛畢疊翠晚惜丁墮黃秋的一魚龍負負

張獨鳥去不息曠原抱渺周抱丁異境越恍惚徑度

萬頃空張忽得一拳碧稍雞犬近丁依鍾梵夕推
門月微墮張煮茗初看歌衣裳識霜信丁瓶鉢了禪悅
事定心源清張夢回斗柄植周游興欲盡丁長往計未
決出門更回首張沙水盪虛白美哉神禹功丁已矣三
苗國山川長不朽張愚知俱可惜神交正冥丁一指點
空歷慎勿語俗人張桃源恐相失丁

建業

推遣淒涼滿眼中蘋花渺又秋風龍薄虎踞江山大
馬去牛來社稷空縱有千人惟諾本無百歲更奴
乾坤顛倒孤舟在聊復殘生伴釣翁

揚州歲暮

萬國春回日層城晚眺餘江鼓隔吳楚原色到邳徐大
閱軍容壯狂歌客裡疎百年寒夜裡風雨憶吾廬

括蒼鮑親以行七首

親嗜酒授簡萬言教授得錢悉送酒家過客盡

飲乃去晚盍傲誕衲衣髻結游青城不返

襄陽行

今日何日天氣柔東城騎馬花綢繆為君停馬一呼酒
花前倒披紫綺裘玉脂汎漑魚鳥飲歌舞倦矣城眉愁
千金萬壽好賓主今我不樂歲如流豈比世上狂馳子
一語不合行掉頭嗚呼天倫古所定非有大故事相尤

天馬

天馬抱奇相，紫骨瞳方明。出入百萬中，有如一鳥輕。
宇宙超踏風雲慘，經營獨倚雄傑蕭。隨北征朝飲
南海頭，夕秣乃出并。失主生黠淡，別群奮長鳴。豈無輕
俠兒，金羈懸朱纓。但感東帛義，不忍負死生。低頭為君
老，暗，萬里情。

重到錢唐

生死雙飛正可憐，若為白髮上征船。未應分手江南去，
更有春光七十年。

無賴山光疊，清玉魚金盞。早飄零，冷思禹穴真奇事。
千古衣冠托杳冥。

萬家歌舞送浮生，曾有消埃答太平。依鶴沙虫天始定，
不須辛苦怨南征。

聞道深春雪打圍，誰憐身上藕絲衣。莫憂白壁成塵土，
解逐南風萬里歸。

惟有寒潮不世情，朝暮，過空城。百年車馬閭門外，
獨，春風草又生。

京口崔瑗子玉三首

瑗美風儀善談論，晚病狂携大瓢貯酒行市拍。
掌歌笑未死十日自表石，題曰醉卿伯崔瑗之墓。

携錢汎江

酒星落京口，化為崔子玉。孤舟載壺觴，水花紅映肉。小

兒唱銅斗大兒倒醺醺，一咲不知年。浩蕩天地屋，慎勿
臨寶呼人生。隨轉燭，嗣宗禮法仇鍾會，被殺戮。

咄：

咄，復咄，小兒成老翁。公微各形色，追琢元化工。不
知春風去，又見千綠叢。主人美客懷，載酒行溪東。一步
一回首，十步樽已空。靈均與太白，醒醉同所終。願見化
蟻蝶，生死托壺中。

今日一何好

今日一何好，花下醉狼藉。醉中有奇事，夢見生八翼。浩
蕩排虛空，靈君好顏色。朱衣持大篆，授我醉卿伯。頃首
玉墀下，臣瑗才蟻豕。封此抑何功，請陳愚頑臆。臣家京
口東，門前大江碧。臣願駕長風，吹作酒萬石。萬象各千
鍾，拍，大庭國。推枕丘山中，紙衾霜曉月。

姑熟魚潛德昭五首

潛敦重和易，推分澹泊不忤於物。所居環堵掃
地，然香彈琴，讀書養鵝鴨，百頭以給食。終八十

餘

楊白花

楊白花，誰教度簾幙。搖蕩春風能幾何，不比無情自漂
泊。人生祇合作支離，長秋鷗啼江水落。

古意

青，陵上柏落，勁不摧。人生百年內，朝夕變所懷。斗

酒命同好萬里不顧回聞有昌國君談笑黃金臺柔言
更長晚信是富貴媒但恐氣習移古今不同才寄言去
國者歲晚有餘哀

權衡堂公平天駟但伏檻東井不抹渴倉庫何時實元
工肯假借名器甚可惜如何萬古不行督責術

送鄭秘書南歸

垂老乃如此憑高俱惘然空能正幾字好去作千年童
子歌鵲鶴幽人拜杜鵑江南獨爛熳春去得誰憐

聞歌

流雲行水出名姝酒盡花前雙玉壺此曲江南都忘却
春風轉調小單于

瑞陽柯芝士先三首

芝早通五經善詞賦又詣行在所見章秘書求
讀書省中益通諸家教授生徒著書百餘卷子
茂謙

餘髮

餘髮蕭蕭白垂領十年一秋門庭冷來頻沙鳥頗相識
起晚憐鷄已三請形骸拄樹豈復好心緒如蓬不能整
平生幾緡空馭鰲老去一杯先酌耐俗言祇嘆方鑿迤
人事但恒幽居屏聖賢未必盡習狗天地何堪共龜龜
若為並履曾足芥幸不柳衫真欲癭一散樵響何處求
獨立看雲發深省

耳

耳、非佳語陸、難為賴我生胡不淑多成長鮮歡搖
落復已綠春風滿清干最靈起子興欲言骨肉酸團桑
摧為新桃李亦半殘想堯金晴嶼九室十更寒飛錢如
美色乃入貴者闌丘間有數費窮欄朝無鍾不售信塵
隱徒手良抱歎宛轉惘餘息溝壑分寸間吾輩正不免
遑暇卸彼瘵

橫江

橫江一片碧携筐上漁船收綸不成下却抱釣竿眠

茂謙退子二首

江行早發

陶鑪煮孤影寒燈沸青花水開數江樹月落失人家

魯港

十年回首付雷濤斷甲沉沙齒、深可惜使船如使馬
不聞鼓鼓但敲金人歌鬼哭都堪史水落江空正獨吟
遺老蕭條漸無語酒旗颺、出蘆林

廬陵即定中立二首

定溫粹博雅通周易春秋宅邊植梅竹蘭桂蓮
菊各十餘本深衣大帶婆娑其間自稱六節老
人

山中

白日看雲坐清秋對雨眠眉頭無一事筆下有千年

漁家

漁家臨水住春盡無花開年、謝流水流得好花來

豫章熊與蘇天樂二首

與蘇性介澹無妻不食肉通經史百事之書布

衣巾屨遊遊名山尤嗜彈琴草書

唐玄宗鐵像

魏冠攢疊碧雲花坐閱山中幾歲華莫把金丹輕點化
正愁生死困安家

永平祠龍亭次韻方巨山

耳見何如得眼聞山根磅礴極初分浮漚起滅自潭影
大地晴陰空嶺雲何處老人來聽講他年少府有移文
由來清調須吾輩幸不山王愧五君

宜春宴又明漿二首

又明風度秀整立趙崇瀛後瀛連繫又明白請
詣微俱以疾終

訪吳

平生一語不肯吐浩然披髮行西休美人十日跨驢云
黃葉堆門雲雪深

夢中

春樹年、少寒雲浦、連片帆高浪起斗酒夕陽偏沙
市懷司馬州城哭老邊太平冠蓋盡尔敢望諸賢
大庾孫璉器之二首

連家貧益嗜書不應選舉躬耕織屨以食終百
歲

述懷

少也不諧俗老去益美閒百草生已綠春雨滿南山朝
朝荷鋤去既夕驅牛還生長節簷下貧賤甚獨安但願
桑麻長優游足歲年

坐倦秋樹根攝衣步前丘橫河淡如練破月西南流獨
持一尊酒悠然發清謳俯仰無不足吾生焉所求
臨江楊應發幼平二首

應發寬厚長者有德行言辭七試國子不第退
就耕牧老于南塘孫雲

水宿

水宿逢今雨春歸及故園聖朝臣已老往事客何言乞
米分隣里看書到子孫蒼茫不可會一笑了清樽

寄趙梅州

江城鴈叫天如水寒色蒼、草木死哀歌未斷月東出
有才無命可流涕今我不樂思梅州束帶深衣百僚底天
下規矩見卓絕龍章麟角諸公子白頭持節得蠻府歸
來閉門呼不起惆悵平生狗馬病風后力收長已矣為
公問酒日、酌熏天富貴憂患始

愛天章五首

遐遙空同山

迢：空同山乃在西極巔玉泉陰重芝上有千歲仙安
得凌風翼相從白雲間神仙本冥漠天運仍推遷不如
酌我酒或得成自然田父要我語飲者亦非賢願君長
獨醒加餐足高年

宋武帝廟

溪聲答松風巨石出老拳古樹不知名爰、蛟龍纏夕
陰互出沒秋華帶芳鮮帝王氣棟宇垂千年亮賁
秉霜戟慘澹生雲煙宮人翠龍駕手持王連卷昌明坐
恍惚精神寓在天大呼司籙問旬月無秦燕昔為萬大
時今受衆目憐石馬亦埋沒歲時草芊、小臣異代士
覓之流逆泉齊人思與鳩蜀人哀杜鵑江東舊正朔禮
奉敢不虔但願君王心不忘載我船下山又再拜白日
當空懸

宿峽市

人煙正搖落樓窗頗清圓老樹依山驛東風上峽船江
湖萬里外燈火十年前世路能令老吾生且醉眠

北客

北客相催發一日舉千帆遙憐度開府歲晚望江南

早春

不知何處碧雲鄉：平生可斷腸
惟底乾坤惟理在
老來歲月更心長
城頭急鼓千家夢
江上殘梅一水香
自作醉候開醉國
笑人奔走為誰狂

盱江曾童子澈一首

鮑輓過盱江遇一童子看目疎朗語必援古今
驚問逆旅主人子也明年載訪之死矣得其詩
一首于其同舍生

九齡行

我生九齡氣食牛嗜鳴頓挫無匹傳白雲無根起天末
一身萬事同悠、低頭拱手事先覺談笑未了成化儼
一簣不足勝百戰言語起滅如浮漚聖賢可與知者道
麟鳳豈在山中遊遂然夢覺大槐國江花昨夜生涼秋
無名氏

番陽布衣

有書中山驛云回首萬里歲晚何言云

番陽布衣題

回頭四十五年非無賴秋光滿客衣可惜吳中蓴菜好
陸機張翰不同歸

滿湘漁父一首

崔瑗晚泊湘江淡烟微月有客歌而過之追問
居與名置其釣竿長嘯而去

高枕形骸外空江何限情落葉不成調半夜起秋聲

古碑文一首

揭大中云或漁于潭得片石字十數行率磨沒
僅識得二十八字意幽人情士之作不介于時

故沉之以俟知者

乾淳老人氣岳一破冠履行帶索撐腸拄肚書萬卷
臨風欲言牙齒落

閔清野人一首

僧惠了行閔清谷中三日到一空舍稍憩有一
人荷鋤來便向壁熟睡僧既尋路還它日再往
已焚其舍惟斫樹白而書云

偶與雲水會不與雲水同雲散水流去杳然天地空

羅浮狂客

趙孟柔云柔錄事惠州聞羅浮道士言咸淳中
客有戴烏帽者訖往來山中見人輒大笑反走
三年不言姓名它日醉歸忽取煤書壁上云
長揖度海去

雲意不知滄海春光欲上翠微人間一墮千級猶愛梅
花未歸

谷音下終

右詩一卷凡二十三人無名者四人共一百首乃宋亡
元初節士悲憤幽人清詠之辭

京兆先生早游江湖得於見聞悉能成誦因錄為一編
題曰谷音若曰山谷之音如野史之類也刊於平川懷
友軒以傳於世今歷兵燹板已不存予幸藏此本風晨
月夕寂寥之中每一歌之則想像其人而愧不能彷彿
其萬一也未嘗不慨然久之今年先生之孫德基來從
予暇時輒示此編俾錄而歸之曰是爾祖手訂之文且
諸人小錄皆其自述言簡而條是亦家傳之舊子能誦
而思之亦繼紹之一端未可以為小書而忽之也因嘗
論之時危世變臨難不避與夫長往自潔者不為不少
惜不盡傳於世也如是編數人苟非先生記其詩而傳
之則泯沒無聞矣然則誦其詩者非獨取其雄渾冲澹
而其心術之正出處之大可槩見矣德基其廣傳之母
為篋笥故紙云戊午重九日蜀郡張槩書

此詩予得之建安楊中舍仕儼觀張槩跋謂為京兆先
生編京兆先生者杜微君本字伯原其行具見元史隱
逸傳中丙午都睦記